

# CANTIK SPIRITUEL

ÉN INOUR

D'EN INTRON SANTÈS ANNA.



Deval e ras d'er guér hemb dein d'hé assista ;  
 Hé branelleu e lausquas dirac Santès Anna ,  
 Hag é mant hoah én Ilis , d'er bed ol de huélet :  
 Mêlet revo Jesus hag é Vam beniguet.

Margarit Hostieu evé , a guichen Quimperlé ,  
 Zo bet pêl bras languissant chomet ar hé gulé ;  
 Mæs hé zad e bromettas aveit hi un nàuvet  
 En Ilis Santès-Anna , ma devezé yehet.

A ben deu zé goudé , er plah-man a savas.  
 Admiramb ol , Christenion , ur miracle zo quer  
 bras ,  
 En dès groeit Santès Anna é guichen Quimperlé ,  
 En andret ur plah youanc hé fedé noz a dé.

A Vrest ur Soudard devot hanhuet Sant-Aman ,  
 Pe oé é tremain ur hoêd , en hum gavas  
 guet-on  
 Puar Forban debordet én hent bras é lairaih ,  
 Hag e houennas guet-on er yalh pé é vuhé.

Er Soudard peur , pe gleuas , e lavaras dehè ,  
 Me zou mé ur passadour , ne mès quet a vadeu ,  
 Hag e ya de bardouïna de Escobty Guénèd ,  
 Mar bé madelaih Jesus me lezel é yehet.

Er mæstre ag el lairon e zistroas doh-t-on ,  
 Guet ur pistolen carguet , én ispér d'el lahein ,  
 Avel me chongeas tennein , é vréh doh-t-on  
 soudas ,  
 Er pistoleden ag é zourn d'en doar e gouéhas.

En tri lair aral pe huélant bréh ou mæstre  
 chomet ,  
 E houennas guet er Soudard : ha te hès hi sorcet ?

Salacroès, sûr em'ean, mé nen don quet sorcér;  
Jesus ha Santès Anna em preserv doh maler.

Eus a guichen Rostrenen ur Meliner youanc,  
Pa oé luémein er velin, e dorras er palant,  
Ma chomas étré vein, ma chongér oé lahet,  
En Itron Santès Anna en dès ean preservet.

De vitin a pe savé, a pe yé de gousquet,  
É pedé Santès Anna guet ur galon parfæt,  
D'er goarnein doh maleur ha hoal chance ér  
bed ma:

Choéget en devoé certen eit mam Santès Anna.

Mari er Peunsieu hanvet, ag er guér a Alré,  
Zo bet espace a huéh dé é poén a vugalé,  
Guet hé frièd oé gloëstret dirac Santès Anna;  
Nezé souden hi e hanuas ur mab er vaillantan.

Ag ur vaguerès youanc é vaguein ur hroaidur  
D'ur Bourhis a Nannèd, comprehenet er maleur,  
Un devéh e sortias: allas, ne chongé quet!  
Me lausquas er hroaidur én é gavel cousquet.

O Péh tristedigueah, glahar, spont hag horror !  
Pe zistroas er Vaguerès de zigueorein hé dor,  
Pe sellas er havel ma oé er hroaidur inon,  
Contamet guet er pen-moh en hantér a nehon.

Hag hi commanç crial : Itron Santès Anna,  
Petra mès mé d'hobér ? m'ancout e ran sempla;  
Allas ! me huél berman é vein-mé punisset,  
Abalamor d'er hroaidur e zo guenein maguêt.

Er Bourhis quentéh e gleuas, e ras é hemeret:  
Rantet ér memb amzér ér prison a Nannèd:  
Souden oé groeit é procès de vout punisset,  
En Itron Santès Anna en dès hi preservet.

Leinet oé dirac-hi guet rigueur hé santanç,  
 Conduyet guet er bourrev da guichen er potanç,  
 Ha pignet oé guet-on bet er vah ihuellan,  
 Eno apparissas nezé Itron Santès Anna.

Courage emé-hi, me merh, n'hou pout quet  
 droug erbet;  
 Er hroaidur a zo yah én é gavel cousquet :  
 Me zo Santès Anna, hou cùir Avocadès,  
 A pe ouèh én ouaid a seih vlé hui em pedé liès.

Er Bourhis quentéh cleuas oé é vab ressuscitet,  
 A gommañc crial avel un dein follet;  
 Eon em da las d'en doar aveit goulen pardon  
 Guet Dou ha Santès Anna, a greisic é galon.

Me zo un dein miserable, ha ne veritan quet  
 Besout aman presant, d'em deulin prosternet ;  
 Me rei aimand inourable é plaç er Vaguerès,  
 Hag e houlennou pardon eit me flagueristet.

Er Bourhis yas nezé de dy un Orfeleur,  
 Laquat gobér én argand, fæçon guet ur hroaidur,  
 Aveit degas en offrand de Ilis Santès-Anna,  
 A huélér hoah én tresor bet en ær a vrema.

Cathelin er Bris hanhuet, ag er guér a Hent-bont,  
 A gouéhas ér riviér, me has édan er pont :  
 Guet en deur oé roulet, ma oé oueit édan d'on  
 Nàu pé dec ær horloge, quênt donnet a nehon

Hémab quentéh cleuas é Vam én deur couéhet,  
 D'en Itron Santès Anna guet-on e oé gloëstret :  
 Demeus a dregond dinér, Overen ha naved,  
 Ha dré græce Santès Anna n'hé dès bet droug  
 erbet.

Ur batimant machadour é tistrein a Vourdel,  
 Quemeret dré ur bar tourmant, taulet ar ur rohel,  
 Hag e oé étré deu vor a houdé tri devéh,  
 Ma chongé er Vartelodèd e collezent ou buhé.

Er Habiten fatiguet, hag é Vartelodèd,  
 Resolvet de verhuel eus a greis ou yehet,  
 Em daulas d'ou deulin de grial, de ouila,  
 Ha d'hum recommandein d'ou mam Santès Anna

Aben ur hart ær goudé bout groeit ou oræson  
 D'en Itron Santès Anna, a greisic ou halon,  
 Er mor en em sevel, el læstre e, é rantet,  
 Dré ur miracle er haërran, é ri a Nannèd.

Incapable-on, Christenion, de ziscl. riein berma  
 En nombre bras a viracleu a ra Santès Anna  
 Ar en doar, pé fedér, hag evé ar er mour:  
 Supli e ra Jesus de bardonnein d'er péhour.

Santès Anna, ceitein, ra güélet d'er ré dal,  
 D'er ré vud er parlant, ha cleuet d'er ré vouar,  
 Remèd d'er ré affliget, d'er ré cam er guêrhet,  
 Soulage d'er vugalé, d'en dud clan er yehet.

Aman é ma er fetan eurus a hræceu Doué,  
 A ra yehet d'er horf ha buhé d'en iné,  
 E ton de govessat én hi ha communiein,  
 D'en déieu zo choéget aveit hé visitein.

Peb merh quetan ag er mis é cannér en office  
 É Ilis Santès-Anna open er sacrifice;  
 Aveit conservation en ol Pelerinèd  
 E za de Santès-Anna guet ur galon parfæt.

Én huéhvèd dé ar n'uguênd a vis Gourhelé,  
 E ma gouil Santès Anna hag er solannité:  
 Guet er Pab en dé-zé én hi a zo accordet  
 Indulgenceeu pleniér, remission d'er péhèd.

Pihue-benac e govessei hac e gommuniou  
 Én Ilis Santès-Anna, en dé-zé hounidou  
 Pemb cand dé a bardon, mæs ret e vou laret  
 Pemb *Pater*, pemb *Ave*, recitat ur Chapelet.

O Itron Santès Anna ! ni hou supli , hou pèd ,  
 Pedet eit omb Jesus é palæs en Drindèd ,  
 Aveit, goudé hur marv , ma hemb ol d'er repos  
 Guet er Sænt hag en Ælé , de hloër er Barados.  
 Amen.

*Pedenneu hag oræsoneu e zeli laret er Gristenion péré en  
 dès devotion de Santès Anna.*

Hou pet chonge , Santès Anna , Mam a gonsolation , penaus  
 nen dès cleuet biscoah dein laret é vezé bet délezet na refuset ,  
 mar da , én afflictioneu , d'hou invoquein ha d'hou pedein , er  
 galon touchet guet glahar ha contrition , en dès goulennet hou  
 ç'assistance hag en dès bet perpet recour doh-oh ; rac hou pe-  
 denneu e zou exaucet guet hur Salvér Jesus-Chrouist , rac-cé ni  
 e laca én-oh hun espérance , avel ma ra en dud clan péré e za  
 d'hou visitein ; ni hum adresse d'oh a greis hur halonen , hag  
 hou pèd humblemant , accordet d'emb , mar plige guenoh , er  
 græce de ellein , un dé e za , jocissein ag er gloër éternel. Amen.

*Quel liès gùéh ma larehet en oræson e zo amen arlerh , é hou-  
 niehet tregond mil vlai a bardon accordet guet er Pab  
 Alexandre de guement Christen e zou ér bed.*

Ave , gratiâ plena , Dominus tecum , tua gratia sit mecum :  
 benedicta sit sancta Anna , Mater tua , ex quâ sine maculâ et  
 peccato processisti , Virgo Maria : ex te autem natus est Jesus-  
 Christus , filius Dei vivi.

FIN.